



Dumengia, ils 17 da matg

7. dumengia da Pastgas – unfrenda per la lavur dalla baselgia ellas medias

10.00 A Sedrun: Survetsch divin dil plaid cun communiun, preparaus dalla gruppa liturgica

Gievgia, ils 21 da matg

19.30 A Mustér: Cant aviert en baselgia s. Gions per exercitar entginas novas canzuns ord il cudisch da cant «clom»

Dumengia, ils 24 da matg – Tschuncheismas

Oz ha liug la vernissascha dil niev cudisch da cant «clom», quei duront ina messa festiva. Quella vernissascha ha liug en baselgia s. Gions/Mustér allas 9.30 e tuts parochians da Mustér/Medel e Tujetsch ein cordialmein beinvegni. Ils Chors baselgia Sedrun e Mustér vegnan a cantar in per canzuns ord il niev cudisch, quei ensemen cul pievel.

Gliendisdis-Tschuncheismas, ils 25 da matg

En Tujetsch ei negina messa. Vus haveis denton la pusseivladad da prender part allas messas a Mustér (las 9.30 a s. Gions ni las 10.30 en claustra)

Dumengia, ils 31 da matg

Dumengia dalla ss. Trinidad – 1. collecta pil seminari da spirituals s. Gleci

10.00 A Sedrun: Survetsch divin dalla dumengia (sur Mathew); messa caudonn per Georgina Monn-Jacomet e per Maria Deragisch-Giossi e m.f.p. Georgina e Vigeli Hendry-Ber, per Gaudenz e Sabina Hendry-Caduff (Cavorgia), per Maria Imelda Bühler-Cavegn, per Barla Catrina Hendry-Riedi, per Maria Barla e Giusep Monn-Flepp e fegl Ernst e famiglias, per Maria e Luis Schmidt-Berther e fegl Gieri Schmidt-Carvajal, per Gion Vigeli Monn, per Elisabeth e Sep (Georg) Pfister-Berther, per Gion Antoni ed Elisabeth Berther-Deplaz ed affons, per Giuli Arpagaus-Derungs e consorta

11.15 A Rueras: Batten digl affon Elio Rafaele Kohler, fegl da Leonie e Luca Kohler, Vilters (sur Mathew). Cordiala gratulaziun alla giuvna famiglia e la benedicziun dil Segner pil pign Elio

Vernissaschas dil canzunari ecumen «clom» en sur- e sutsilvan

Ellas pleivs romontschas dalla Sur- e Sutselva vegn ei cantau dapi decennis ord ils canzunaris *Canzuns choralas* (1965, reformau) ed *Alleluja* (1982, catolic). En quei temps ei denton era il cant baselgia sco part essenziala per la cuminonza els survetschs divins semidaus. Quei fatg vulan las baselgias catolicas e reformadas risguardar en lur regiuns ecclesiasticas.

Ils teologs Andri Casanova (cat.), Vrin, e Jan-Andrea Bernhard (ref.), Glion, ein vegni incumbensai cull'elaboraziun d'in niev canzunari romontsch en fuorma ecumena. En quei process eis ei stau impurtont da ver d'entschatta enneu il sustegn da persunas dil fatg (varga 30) ord ils roms dalla musica (cant e cumposiziun), baselgia e teologia, sco era dalla historia e linguistica. Suenter nov onns astga il niev canzunari «clom» vegnir surdaus allas pleivs dalla Sur- e Sutselva – en il «clom» ei risguardada la cuntinuitad e tradiziun musicala dad omisduas confessiuns, medemamein cumparan novas cumposiziuns, novs texts, oravontut d'auturas, e texts liturgics ni pastorals cun melodias variontas. Il cudisch da cant ei in'ovra ecumena, sustenida dad omisduas baselgias cantunalas e dil cantun Grischun.

En survetschs divins festivs da Tschuncheismas vegn il canzunari presentaus en differents loghens – a Mustér, Vella, Ziraun e Sagogn.

Ils meinaproject

Andri Casanova, Vrin/Kriessern

Jan-Andrea Bernhard, Strada/Glion